

ერთი მხრივ, შ.პ.ს. „ავერსი-ფარმა“ წარმოდგენილი მისი სააფთიაქო ქსელის დირექტორის ეკატერინე ბურძენიძის (სანოტარო მოქმედების რეგისტრაციის ნომერი #-----, სანოტარო მოქმედების ინდივიდუალური #-----) სახით (შემდგომში წოდებული „დამკვეთი“) და მეორე მხრივ, -----,-----“ (ს/კ -----) წარმოდგენილი მისი ----- სახით (შემდგომში წოდებული „შემსრულებელი“), ვდებთ წინამდებარე ხელშეკრულებას (შემდგომში ხელშეკრულება) შემდეგზე:

1. ხელშეკრულების საგანი

1.1. წინამდებარე ხელშეკრულების თანახმად, შემსრულებელი იღებს ვალდებულებას საქართველოში მოქმედი შესაბამის სფეროში არსებული წესებისა და ნორმების საფუძველზე, უზრუნველყოს დამკვეთის შეკვეთების შესაბამისად, შეთანხმებული პირობებითა და ვადებში დამკვეთის მიერ მითითებულ მისამართზე (შემდგომში „ობიექტი“) მდებარე აფთიაქ(ებ)ის ინტერიერის და ექსტერიერის სარეკლამო კონტრუქციების დამზადება და ადგილზე მონტაჟი საკუთარი მასალით (შემდგომში „სამუშაოები“).

1.2. დამკვეთის მიერ შემსრულებლისათვის ყოველი შეკვეთის მიცემისას, ზემოაღნიშნული ხელშეკრულების საფუძველზე მხარეთა შორის ფორმდება შეთანხმება (შემდგომში “შეთანხმება“), სადაც აღნიშნება შემსრულებლის მიერ შეკვეთის შესაბამისად შესასრულებელი სამუშაოების ზუსტი აღწერილობა, ჩამონათვალი, მასალა და ესკიზი (ფოტომონტაჟი).

2. სამუშაოს ღირებულება

2.1. შესასრულებელი სამუშაოების სრული სახარჯთაღრიცხვო ღირებულება განსაზღვრულია ყოველ ჯერზე მხარეთა შორის გაფორმებულ შეთანხმებაში დაფიქსირებული ოდენობით, ლარებში, დღგ–ს ჩათვლით.

3. ანგარიშსწორების წესი

3.1. დამკვეთის მიერ ყოველი შესრულებული სამუშაოს ღირებულების გადახდა მოხდება, წინამდებარე ხელშეკრულების შესაბამისად გაფორმებულ ყოველ შეთანხმებაში მითითებული სამუშაოს სრულად დასრულების შემდგომ, მხარეთა შორის შესაბამის სამუშაოთა მიღება-ჩაბარების აქტის გაფორმებიდან და შემსრულებლის მიერ საგადასახადო ანგარიშ-ფაქტურის წარმოდგენიდან 15 (თხუთმეტი) სამუშაო დღის ვადაში, უნაღდო ანგარიშსწორების წესით.

4. სამუშაოების შესრულების ვადა

4.1. მხარეთა შორის წინამდებარე ხელშეკრულების საფუძველზე გაფორმებული ყოველი კონკრეტული შეთანხმებით განისაზღვრება შემსრულებლის მიერ შესასრულებელი სამუშაოს შესრულების ვადა.

5. მხარეთა უფლება-მოვალეობები:

5.1 შემსრულებელი ვალდებულია:

5.1.1. შეასრულოს წინამდებარე ხელშეკრულების საფუძველზე გაფორმებული შეთანხმებებით გათვალისწინებული სამუშაოები და ჩააბაროს აღნიშნული სამუშაოები დამკვეთს მხარეთა შორის შეთანხმებულ ვადაში.

5.1.2. უზრუნველყოს:

5.1.2.1. სამუშაოების შესრულება დამკვეთის მოთხოვნებისა და შესაბამისი წესების, ნორმების, საქართველოს მოქმედი კანონმდებლობის საფუძველზე (მათ შორის შესაბამისი ადმინისტრაციული

ორგანოს/უფლებამოსილი პირის თანხმობის/ნებართვის/მითითებების შესაბამისად), მოცემულ სფეროში არსებული მეთოდოლოგიების და ინსტრუქციების საფუძველზე;

5.1.2.2. სამუშაოების შესრულების ხარისხი დამკვეთის მოთხოვნების და მოქმედი წესებისა და ნორმების შესაბამისად;

5.1.2.3. აღმოფხვრას ყველა დაზიანება, ნაკლოვანება და დეფექტი, რომელიც გამოვლინდება სამუშაოების ყოველი მიღების დროს ქ. თბილისში არაუმეტეს 3 (სამი) და რეგიონებში 7 (შვიდი) დღის ვადაში, ხოლო საგარანტიო პერიოდის განმავლობაში არაუმეტეს 10 (ათი) დღის ვადაში. წინამდებარე ხელშეკრულების შესაბამისად გაფორმებული შეთანხმებების საფუძველზე შემსრულებლის მიერ შესრულებული სამუშაო(ები)ს საგარანტიო პერიოდი შეადგენს 2 (ორი) წელს, რომლის ათვლაც იწყება სამუშაოების დასრულებაზე მიღება-ჩაბარების აქტის ხელმოწერის დღიდან. ხელშეკრულების საერთო ღირებულება მოიცავს საგარანტიო პერიოდში გამოვლენილი დაზიანების, ნაკლოვანების და დეფექტის აღმოფხვრის ხარჯებს.

წინამდებარე ხელშეკრულებით გათვალისწინებული საგარანტიო პირობები ვრცელდება ხელშეკრულების შესაბამისად მხარეთა შორის გაფორმებული ყოველი შეთანხმებ(ებ)ის საფუძველზე შესრულებულ სამუშაო(ებ)ზე, შემსრულებლის მიერ გამოყენებულ მასალაზე, სხვა ყველა კომპონენტზე.

5.1.3. სამუშაოების მსვლელობის განმავლობაში უზრუნველყოს შრომის დაცვისა და ტექნიკური უსაფრთხოების, ასევე ხანძარსაწინააღმდეგო ნორმებისა და გარემოს დაცვა.

5.1.4. განახორციელოს მხარეთა შორის გაფორმებული შეთანხმებით გათვალისწინებული სამუშაოები შეთანხმებული ღირებულებით (ასევე ხარჯთაღრიცხვის არსებობის შემთხვევაში, ხარჯთაღრიცხვის შესაბამისად) და შეთანხმებულ ვადაში.

5.1.5. სამუშაოების დამკვეთისთვის ყოველ ჩაბარებამდე უზრუნველყოს სამუშაოთა წარმოების ადგილისა და მისი მიმდებარე ტერიტორიის გათავისუფლება მოწყობილობების, ინვენტარის, ინსტრუმენტების, მასალის, ნარჩენებისა და სხვა დანადგარებისაგან.

5.1.6. დამკვეთის მოთხოვნის შემთხვევაში წარმოადგინოს ყოველი შეკვეთის შესრულებისას მასალების შესყიდვის და/ან ობიექტზე/ობიექტიდან ტრანსპორტირების დამადასტურებელი დოკუმენტაცია, მხარეთა შორის გაფორმებული შეთანხმებ(ებ)ით შესრულებული სამუშაოს მოცულობის დასადასტურებლად.

5.1.7. თუ ხელშეკრულების/შეთანხმების შესრულების პროცესში შემსრულებელი წააწყდება რაიმე ხელისშემშლელ გარემოებას, რომლის გამოც ფერხდება ხელშეკრულების/შეთანხმების პირობების შესრულება, შემსრულებელი ვალდებულია დაუყოვნებლივ წერილობით აცნობოს დამკვეთს შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ.

5.2. შემსრულებელი უფლებამოსილია:

5.2.1 მოითხოვოს შესრულებული სამუშაო(ებ)ის ღირებულების ანაზღაურება წინამდებარე ხელშეკრულებით გათვალისწინებული პირობების თანახმად.

5.2.2. შემსრულებელი უფლებამოსილია ვადაზე ადრე დაასრულოს და ჩააბაროს დამკვეთს ყოველი შეთანხმებით გათვალისწინებული სამუშაო.

5.3 დამკვეთი ვალდებულია:

5.3.1. მიიღოს სამუშაოები და განახორციელოს ანგარიშსწორება წინამდებარე ხელშეკრულების შესაბამისად.

5.3.2. შემსრულებლის მიერ ყოველი შეკვეთის შესაბამისად შესრულებული სამუშაოების მოწონების შემთხვევაში ხელი მოაწეროს შემსრულებლის მიერ ხელმოწერილ სამუშაოების მიღება-ჩაბარების აქტს შემსრულებლის მიერ მისი წარმოდგენიდან 5 (ხუთი) სამუშაო დღის განმავლობაში, ან წარუდგინოს შემსრულებელს უარი მიღება-ჩაბარების აქტზე ხელის მოწერასთან დაკავშირებით.

5.4. დამკვეთი უფლებამოსილია:

5.4.1. უარი თქვას ხელშეკრულების შესრულებაზე და არ გადაუხადოს შემსრულებელს შეთანხმებით გათვალისწინებული თანხა, ამასთან, მოითხოვოს ზიანის ანაზღაურება, თუ შემსრულებელი არ იწყებს სამუშაოების განხორციელებას შეთანხმებით გათვალისწინებულ ვადაში ან თუ სამუშაოების შესრულების ტემპიდან გამომდინარე ნათელი ხდება, რომ მათი დროულად შესრულება აშკარად შეუძლებელია.

5.4.2. სამუშაოს მიღება-ჩაბარების აქტის ხელმოწერამდე ნებისმიერ დროს უარი თქვას ხელშეკრულების შესრულებაზე და გადაუხადოს შემსრულებელს დადგენილი ფასის ნაწილი იმ შესრულებული სამუშაოს პროპორციულად, რომელიც შესრულდა ხელშეკრულების შესრულებაზე დამკვეთის მიერ უარის თქმის შესახებ შეტყობინების შემსრულებლისათვის გადაცემამდე.

5.5. მხარეები ვალდებულნი არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის, გარდა საქართველოს კანონმდებლობით გათვალისწინებული შემთხვევებისა ან/და იმ შემთხვევისა, როდესაც მხარეები წინასწარ წერილობით შეთანხმდებიან ინფორმაციის გაცემის/გამჟღავნების თაობაზე.

6. მიღება-ჩაბარების წესი

6.1. წინამდებარე ხელშეკრულების შესაბამისად მხარეთა შორის გაფორმებული ყოველი შეთანხმებით განხორციელებული სამუშაოების მიღება-ჩაბარება ხორციელდება შესრულებული სამუშაოების მიღება-ჩაბარების აქტის საფუძველზე. მიღება-ჩაბარების აქტში აღწერილი უნდა იყოს შესრულებული სამუშაოები და მათი ღირებულება.

6.2. დამკვეთი განიხილავს და დაუბრუნებს შემსრულებელს ხელმოწერილ მიღება-ჩაბარების აქტს ყოველი შეთანხმების შესაბამისად შესრულებული სამუშაოს თაობაზე, ან წარუდგენს შემსრულებელს უარს სამუშაოების ჩაბარებასთან დაკავშირებით.

6.3. დამკვეთის მიერ სამუშაოთა მიღებაზე უარის შემთხვევაში, შემსრულებელი ვალდებულია აღმოფხვრას აღმოჩენილი ნაკლოვანება/ხარვეზი ხელშეკრულებით გათვალისწინებულ ვადაში და პირობების შესაბამისად. ნაკლოვანებების/ხარვეზის აღმოფხვრის შემდეგ სამუშაოების მიღება-ჩაბარება ხორციელდება წინამდებარე ხელშეკრულებით/შეთანხმებით გათვალისწინებული წესითა და პირობებით.

6.4. დასრულებული სამუშაოების მიღება-ჩაბარება ხორციელდება წინამდებარე ხელშეკრულებით და შესაბამისი შეთანხმებით გათვალისწინებული ყველა პირობის შესრულების შემდეგ.

7. პასუხისმგებლობა, დავები

7.1. მხარეები გამოიყენებენ ყველა შესაძლებლობას, რათა წარმოქმნილი უთანხმოება და დავები აღმოფხვრან მოლაპარაკების გზით.

7.2. დავის მოლაპარაკების გზით გადაუჭრელობის შემთხვევაში მხარეები უფლებამოსილნი არიან მიმართონ საქართველოს შესაბამის სასამართლოს, საქართველოს მოქმედი კანონმდებლობის შესაბამისად.

7.3. შემსრულებელი პასუხისმგებელია მის მიერ შესრულებულ სამუშაოებზე. შემსრულებელი ასევე პასუხისმგებელია ყოველი შეთანხმების საფუძველზე სამუშაოების მსვლელობის მთელი დროის განმავლობაში ობიექტის, საინჟინრო კომუნიკაციებისა და კონსტრუქციების უსაფრთხოებაზე. უსაფრთხოების წესების დარღვევის შემთხვევაში დამკვეთისათვის ან მესამე პირისათვის მიყენებული ზიანის ანაზღაურების ვალდებულება ეკისრება შემსრულებელს.

7.4. დამკვეთი არ არის პასუხისმგებელი იმ ვალდებულებებისათვის, რომელიც ყოველი შეთანხმებით გათვალისწინებულ სამუშაოთა წარმოების დროს შემსრულებელს წარმოეშობა მესამე პირების წინაშე.

7.5. შემსრულებელი ვალდებულია აანაზღაუროს ის ზიანი, რაც დამკვეთს მიადგება შემსრულებლის მიერ საქართველოს კანონმდებლობით მოქმედი წესებისა და ნორმების, ამასთან შესაბამის ადმინისტრაციულ ორგანოსგან მიღებული თანხმობის პირობების დარღვევით შესრულებული სამუშაოს შედეგად.

7.6. იმ შემთხვევაში, თუ შემსრულებლის მიერ შესრულებული, ყოველი შეთანხმებით გათვალისწინებულ სამუშაოდან გამომდინარე დამკვეთს რომელიმე ადმინისტრაციული ორგანოს/შესაბამისი უფლებამოსილი პირის მიერ დაეკისრება, რაიმე სახის ადმინისტრაციული სახდელი (ან სხვა სახის პასუხისმგებლობა, ჯარიმა), ან/და დამკვეთს ან მესამე პირებს მიადგებათ ნებისმიერი სახის ზიანი, ყოველ დამდგარ ზემოაღნიშნულ შემთხვევაში, დამკვეთი უფლებამოსილია მოითხოვოს, ხოლო შემსრულებელი ვალდებულია აუნაზღაუროს დამკვეთს ადმინისტრაციული სახდელის (სხვა სახის ჯარიმის, პასუხისმგებლობის) სახით გადახდილი თანხა ან/და ადმინისტრაციული ორგანოს/შესაბამისი უფლებამოსილი პირის დავალებით შესრულებული სამუშაოს ღირებულება და მესამე პირებისათვის მიყენებული ზიანის ანაზღაურების სახით გადახდილი თანხა ან განხორციელებული ქმედებისთვის გაწეული ხარჯი.

7.7. წინამდებარე ხელშეკრულების საფუძველზე მხარეთა შორის გაფორმებული ყოველი შეთანხმების შესაბამისად განსაზღვრული სამუშაოს შესრულების ვადების დარღვევის შემთხვევაში, დამკვეთს უფლება აქვს მოითხოვოს, ხოლო ასეთ შემთხვევაში შემსრულებელი ვალდებულია გადაუხადოს დამკვეთს პირგასამტეხლო _ შესაბამისი შეთანხმების საერთო ღირებულების 0.5%-ის ოდენობით ყოველი ვადაგადაცილებული დღისთვის, ხოლო იმ შემთხვევაში თუ შემსრულებელი შესრულების ვადებს გადააცილებს 10 (ათი) დღით დამკვეთი უფლებამოსილია შეწყვიტოს წინამდებარე ხელშეკრულება და ამასთან, არ გადაუხადოს შემსრულებელს შეთანხმებით გათვალისწინებული საზღაური და მოითხოვოს, ხოლო ასეთ შემთხვევაში შემსრულებელი ვალდებულია დაუბრუნოს დამკვეთს მის მიერ ავანსად გადახდილი თანხა (ასეთის არსებობის შემთხვევაში) და გადაიხადოს დარიცხულ პირგასამტეხლოსთან ერთად ჯარიმა შესაბამისი შეთანხმების საერთო ღირებულების 30%-ის ოდენობით.

7.8. შესრულებული სამუშაოების უხარისხოდ ან/და ხელშეკრულების/შეთანხმების დანართ(ებ)თან შეუსაბამოდ შესრულების შემთხვევაში, შემსრულებელი ვალდებულია აღნიშნული ნაკლოვანების/დეფექტების/შეუსაბამობის აღმოჩენიდან 3 (სამი) დღის განმავლობაში გამოასწოროს აღმოჩენილი ნაკლოვანება/დეფექტი/შეუსაბამობა, ხოლო აღნიშნულის შეუსრულებლობის შემთხვევაში, დამკვეთი უფლებამოსილია არ გადაუხადოს შემსრულებელს ხელშეკრულებით/შეთანხმებით გათვალისწინებული საზღაური და ამასთან, დამკვეთი უფლებამოსილია მოითხოვოს, ხოლო ასეთ შემთხვევაში შემსრულებელი ვალდებულია დაუბრუნოს დამკვეთს მის მიერ ავანსად გადახდილი თანხა (ასეთის არსებობის შემთხვევაში) და გადაიხადოს დარიცხულ პირგასამტეხლოსთან ერთად ჯარიმა შესაბამისი შეთანხმების საერთო ღირებულების 30%-ის ოდენობით.

7.9. შესრულებლის მიერ წინამდებარე ხელშეკრულების 5.1.2.3. ქვეპუნქტით გათვალისწინებული საგარანტიო პირობების შეუსრულებლობის შემთხვევაში, დამკვეთი უფლებამოსილია მოითხოვოს, ხოლო ასეთ შემთხვევაში, შემსრულებელი ვალდებულია გადაიხადოს პირგასამტეხლო გამოვლენილი დაზიანების, ნაკლოვანების და დეფექტის ღირებულების ოდენობის შესაბამისად.

7.10. იმ შემთხვევაში, თუ შემსრულებელი განახორციელებს სამუშაოებს ყოველი შეთანხმებ(ებ)ით გათვალისწინებულ ხარჯთაღრიცხვასთან, ესკიზთან შეუსაბამოდ, ან შესრულების ვადების დარღვევით, რისთვისაც დამკვეთს მიადგება რაიმე სახის ზიანი/ზარალი, შემსრულებელი ვალდებულია ყოველ ზემოაღნიშნულ შემთხვევაში, სრულად აუნაზღაუროს დამკვეთს აღნიშნული ზიანი/ზარალი, მოთხოვნიდან 1 (ერთი) კვირის ვადაში.

7.11. იმ შემთხვევაში, თუ შემსრულებელი დამკვეთის წერილობითი თანხმობის გარეშე რაიმე ფორმით შესთავაზებს დამკვეთის თანამშრომელს საჩუქარს/წახალისებას, რათა თანამშრომელმა მოახდინოს წინამდებარე ხელშეკრულებით გათვალისწინებული მომსახურების სტიმულირება, წინწაწევა ან ამ მომსახურების შესყიდვა, დამკვეთი უფლებას იტოვებს მოითხოვოს და ამ შემთხვევაში შემსრულებელი ვალდებულია გადაიხადოს ჯარიმა ხელშეკრულების სრული ღირებულების 50%-ის ოდენობით, მაგრამ არანაკლებ 10 000 ლარი.

7.12. წინამდებარე ხელშეკრულებაზე ხელმოწერით შემსრულებელი ადასტურებს, რომ ის არ წარმოადგენს საქართველოს საგადასახადო კოდექსის 95¹-ე მუხლის შესაბამისად ფიქსირებული გადასახადის გადამხდელის სტატუსის მატარებელ პირს, შემსრულებელი ადასტურებს, რომ აღნიშნული ინფორმაცია უტყუარია. იმ შემთხვევაში, თუ ხელშეკრულების მოქმედების ვადაში აღმოჩნდება, რომ შემსრულებელი ფიქსირებული გადასახადის გადამხდელის სტატუსის მქონე პირია ან გახდება, რის გამოც დამკვეთს მიადგება მატერიალური ზიანი/ზარალი (მათ შორის საგადასახადო ჯარიმის/სანქციის დაკისრება, გადახდილი თანხის ხარჯებიდან ამოღება და ა.შ.), შემსრულებელი იღებს ვალდებულებას აანაზღაუროს აღნიშნული ზიანი/ზარალი სრული მოცულობით პირველივე მოთხოვნისთანავე, 5 დღის ვადაში.

7.13. წინამდებარე ხელშეკრულების მოცემული მუხლებით გათვალისწინებული პირგასამტეხლოს გადახდა არ ათავისუფლებს მხარეებს ძირითადი ვალდებულების შესრულების მოვალეობისგან.

8. ფორს მაჟორი

8.1. მხარეები თავისუფლდებიან პასუხისმგებლობისგან ხელშეკრულებით ნაკისრი ვალდებულებების ნაწილობრივ ან სრულ შეუსრულებლობისათვის, თუ ეს გამოწვეულია დაუძლეველი ძალის გარემოებათა ზემოქმედების შედეგებით. ასეთი გარემოების დასტურს წარმოადგენს საქართველოს სავაჭრო-სამრეწველო პალატის მიერ გაცემული შესაბამისი დოკუმენტი.

8.2. მხარე, რომლისთვისაც წინამდებარე ხელშეკრულების შესრულება შეუძლებელი გახდა დაუძლეველი ძალის გარემოებათა წარმოქმნის შედეგად, ვალდებულია წერილობით აცნობოს მეორე მხარეს 3 (სამი) დღის განმავლობაში მათი წარმოქმნის დღიდან, წინააღმდეგ შემთხვევაში, მხარეს უფლება აღარ ექნება მიუთითოს ამგვარ გარემოებებზე, როგორც ხელშეკრულებით ნაკისრი ვალდებულებებისაგან განმათავისუფლებელ გარემოებაზე.

8.3. დაუძლეველი ძალის გარემოებათა დადგომისას მხარეთა მიერ ხელშეკრულებით ნაკისრი ვალდებულებების შესრულების ვადა გადაიწევა იმ დროით, რომლის განმავლობაშიც მოქმედებდა ეს გარემოებები.

9. ხელშეკრულების მოქმედების ვადა და შეწყვეტის პირობები

9.1. წინამდებარე ხელშეკრულება ძალაში შედის ხელმოწერისთანავე და მოქმედებს 1 (ერთი) წლის ვადით. იმ შემთხვევაში, თუ ხელშეკრულების ვადის გასვლამდე არანაკლებ 1 (ერთი) თვით ადრე რომელიმე მხარე წერილობით არ განაცხადებს ხელშეკრულების შეწყვეტის თაობაზე, ხელშეკრულება ჩაითვლება ყოველ ჯერზე ავტომატურად გაგრძელებულად ყოველი მომდევნო 1 (ერთი) წლის ვადით, იგივე პირობებით.

9.2. ხელშეკრულება შეიძლება შეწყდეს ვადამდე მხარეთა შეთანხმებით ნებისმიერ დროს, ხოლო დამკვეთის ინიციატივით, ცალმხრივად, თუ: 1. შემსრულებელი არ ან არაჯეროვნად ასრულებს ნაკისრ ვალდებულებას, რის თაობაზეც შემსრულებელს დარღვევის გამოსასწორებლად მიეცა დამატებითი ვადა წინამდებარე ხელშეკრულების შესაბამისად. ამასთან, დამატებითი ვადა შეიძლება არ მიეცეს, თუ აშკარაა, რომ მას შედეგი არ ექნება, ან ვალდებულების არ ან არაჯეროვნად შესრულების გამო დამკვეთს ხელშეკრულების საგნისადმი ინტერესი ეკარგება; 2. დამკვეთი აღნიშნულის თაობაზე წინასწარ 2 (ორი) კვირით ადრე წერილობით შეატყობინებს შემსრულებელს; 3. ასევე საქართველოს კანონმდებლობით გათვალისწინებულ შემთხვევებში.

10. დამატებითი პირობები

10.1. წინამდებარე ხელშეკრულების გაფორმებით შემსრულებელი ადასტურებს, რომ გააჩნია შესაბამისი უფლებამოსილება, ნებართვა/ლიცენზია ხელშეკრულებით ნაკისრი ვალდებულებების შესრულებისათვის.

10.2. მხარეებს შეუძლიათ ხელშეკრულებაში/შეთანხმებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.

10.3. წინამდებარე ხელშეკრულების დანართ(ებ)ი და შეთანხმებები წარმოადგენს ხელშეკრულების განუყოფელ ნაწილს და მოქმედებს მასთან ერთად.

10.4. ხელშეკრულების ან/და მის საფუძველზე გაფორმებული შეთანხმებ(ებ)ის რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად ხელშეკრულების ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა ხელშეკრულებით/შეთანხმებით გათვალისწინებული მიზანი.

10.5. შემსრულებელი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.

10.6. მხარეები ადასტურებენ, რომ ხელშეკრულების შინაარსი ზუსტად გამოხატავს მხარეთა ნებას და რომ მათ მიერ ნების გამოვლენა მოხდა ხელშეკრულების შინაარსის გონივრული განსჯის შედეგად და არა მარტოდენ სიტყვა-სიტყვითი მნიშვნელობიდან.

10.7. შემსრულებელი წერილობით ატყობინებს დამკვეთს, წარმოშობიდან 5 (ხუთი) კალენდარული დღის ვადაში, იმ გარემოებების შესახებ, რომელთაც შეუძლიათ იქონიონ გავლენა თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუუნარობა ან

გადახდისუნარიობის ალბათობა, ლიცენზიის მოქმედების ვადის ამოწურვა და სხვა. იმ შემთხვევაში, თუ შემსრულებელი არ შეატყობინებს ან არადროულად შეატყობინებს დამკვეთს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია დამკვეთს აუნაზღაუროს ამასთან დაკავშირებით წარმოქმნილი ზარალი.

10.8. წინამდებარე ხელშეკრულების დანართები თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

10.9. ყველა ის საკითხი რომელიც არ არის რეგულირებული ამ ხელშეკრულებით, რეგულირდება საქართველოს კანონმდებლობის შესაბამისად;

10.10. მხარეები თანხმდებიან, რომ დამკვეთის სასარგებლოდ მიღებული პირველი ინსტანციის სასამართლოს გადაწყვეტილება შემსრულებლის მიერ მისი გასაჩივრების მიუხედავად, დაუყოვნებლივ მიექცევა აღსასრულებლად, საქართველოს სამოქალაქო საპროცესო კოდექსის 268-ე მუხლის მე-1¹ პუნქტის შესაბამისად.

10.11. ხელშეკრულება ფორმდება, ქართულ ენაზე, ორ თანაბარი იურიდიული ძალის მქონე ეგზემპლარად, თითოეული მხარისათვის გადასაცემად.

11. მხარეთა ხელმოწერები

დამკვეთი:

შ.პ.ს. „ავერსი-ფარმა“

საიდენტიფიკაციო კოდი: 211386695

მისამართი: ქ.თბილისი, აღმაშენებლის გამზ. 148

ბანკის დასახელება: ს.ს. „საქართველოს ბანკი“

ბანკის კოდი: BAGAGE22

ანგარიშის ნომერი: GE49BG000000610088800

სააფთიაქო ქსელის დირექტორი:

_____ **ეკატერინე ბურძენიძე**

შემსრულებელი:

შ.პ.ს. „-----“

საიდენტიფიკაციო კოდი: -----

იურიდიული მისამართი: -----

ბანკის დასახელება: სს „-----“,

ბანკის კოდი:

ანგარიშის ნომერი: -----

დირექტორი:

_____ -----